



Broj:08-01- 49-32256/15
Sarajevo, 19.01.2016. god.

SKUPŠTINA KANTONA SARAJEVO
-Predsjedateljica Skupštine-
O v d j e

PREDMET: Odgovor na zastupničko pitanje

Veza: Vaš dopis broj: 01-05-32256/15 od 04.01.2015. godine

Na Desetoj Radnoj sjednici Skupštine Kantona Sarajevo, održanoj 29.12.2015. godine zastupnik Aljović Hamed u okviru tačke Dnevnog reda: "Poslanička pitanja, inicijative i odgovori" a u skladu sa Poslovnikom Skupštine Kantona Sarajevo, postavio tri zastupnička pitanja ministru finansija:

„Molim Ministra finansija u Vladi Kantona Sarajevo Jasmina Halebić da mi odgovori:

- a) Koji je razlog donošenja Odluke o preraspodjeli sredstava u Izmjenama i dopunama Budžeta Kantona Sarajevo za 2015. godinu unutar razdjela Ministarstva za obrazovanje, nauku i mlade („Sl. Novine KS“, broj: 45/15)?
- b) Da li su svim osobama angažovanim na izvođenju eksterne mature u Kantonu Sarajevo u 2015. godini isplaćene nadoknade i u kojem iznosu?
- c) Zašto se pojavio nedostatak sredstava kod pojedinih budžetskih korisnika unutar Ministarstva za obrazovanje, nauku i mlade u 2015. godini na stavci *Nadoknada za regres za godišnji odmor*?

O d g v o r:

a) Vezano za zastupnička pitanja uvaženog zastupnika Aljović Hameda, navodimo da je članom 17. stav (1) Zakona o izvršavanju Budžeta Kantona Sarajevo za 2015. Godinu („Službene novine Kantona Sarajevo“, broj: 13/15 i 35/15) propisano da: „Ministarstvo finansija jednom kvartalno može na *prijedlog* budžetskog korisnika donijeti odluku o preraspodjeli rashoda u okviru budžeta odobrenog za budžetskog korisnika, a najviše do 10% ukupno odobrenih rashoda i izdataka za tog budžetskog korisnika“. Ministarstvo za obrazovanje, nauku i mlade je Ministarstvu finansija podnijelo zahtjev za preraspodjelu sredstava uz obrazloženje: „U Budžetu Kantona Sarajevo za 2015. godinu pojedinim osnovnim i srednjim školama iz nadležnosti Ministarstva za obrazovanje, nauku i mlade, nisu odobrena dovoljna sredstva na ekonomskom kodu 611224- *Naknade za regres za godišnji odmor*. Kako bi se obezbijedila potrebna sredstva za isplatu *Naknade za regres za godišnji odmor* svim uposlenicima budžetskih korisnika iz nadležnosti ovog Ministarstva, potrebno je izvršiti navedenu preraspodjelu sredstava“.




Na osnovu Zakona o izvršavanju Budžeta Kantona Sarajevo za 2015. godinu i zahtjeva Ministarstva za obrazovanje, nauku i mlade, Ministar finansija je donio Odluku o preraspodjeli sredstava unutar razdjela Ministarstva za obrazovanje, nauku i mlade.

b) U sistemu Trezora nema evidentiranih neplaćenih obaveza po osnovu izvođenja eksterne mature u Kantonu Sarajevo u 2015. godini, a evidencije o pojedinačnim naknadama isplaćenim po navedenom osnovu vodi Ministarstvo za obrazovanje, nauku i mlade.

c) Nedostatak sredstava kod pojedinih budžetskih korisnika unutar Ministarstva za obrazovanje, nauku i mlade u 2015. godini na stavci Naknade za regres za godišnji odmor se pojavio iz razloga što se nije znalo da će prosječna plaća u FBiH, koja je osnov za utvrđivanje iznosa regresa, prilikom isplate regresa biti veća u odnosu na period kad su planirane izmjene i dopune Budžeta KS za 2015. godinu. Da bi uposlenicima pojedinih osnovnih i srednjih škola bila isplaćena naknada za regres za godišnji odmor, a koja je propisana i Zakonom o radu i Općim kolektivnim ugovorom za teritorij FBiH, bilo je potrebno uraditi preraspodjelu sredstava unutar razdjela Ministarstva za obrazovanje, nauku i mlade.

S poštovanjem,



MINISTAR

Jasmin Halebić
Prof.dr. Jasmin Halebić

Dostaviti:

- 1.Naslovu
- 2.CO-Stručna služba Vlade
- 3.a/a

Pripremila-Avdzić Z.



web: <http://mf.ks.gov.ba>

e-mail: min.finansija@ks.gov.ba

Tel: + 387 (0) 33 565-005, Cent.+ 387 (0) 33 565-000

Fax: + 387 (0) 33 565-052 i 565-048

Sarajevo, Maršala Tita 62

